

當塗葛生鐫寄余青山集三十

卷續集五卷為生與宋孝廉錢

吳明經立暨等重刻本請余為

序按先兄竹君所進錄於四

庫全書集部第七者實續集七

卷今少二卷豈有所闕并欵考

功甫在宋史文苑傳稱其母夢

李白而生祥正梅堯臣歎為太

白後身譽之至矣傳又摘其諛

頌王安石安石恥為小臣所薦

因極口陳其無行一若文行瑕

瑜不揜者是以總目中亦有編

躁合雜之論然或其少年昂詭
剛撻婢闔不羈者之所為而荆
公矯枉沽直遂致流傳詬病其
實當時朋黨出入之間亦未足
以一節之不檢確然定其邪正
之歸也今讀其各体詩豪邁縱

二

橫處有不肯踟縮溝猶之態平
生枕蓆青蓮亦可謂尚友百世
之師者若夫太白陵蹈虛空俯
視滄海實有英光浩氣溢乎豪
墨之外又豈可以佻色揣聲片
鱗半爪遂頽頽而抗駕之哉語

先生之志則大矣以之侑食青山祠列之北宋名家亦不負其
睠驥千里之願也已并志以詩
青山拔起淩江濱遠與蜀岷連
支垠神人騎龍戲空界攀援猿
鶴稱兒孫太白光芒燄萬古誰

序

三

其匹者少陵杜幾人淬厲規雷
礪獨上雲梯夢天姥歐王坡谷
北宋豪浪士竊比青蓮高滄浪
清濁或自取詩文流別隨風騷
送迎海外唱和詞臭味亦復無
差池古劍雙投醉竹畫鼉秦同

傳夫何疑

嘉慶八年癸亥四月下浣大興朱珪識

序



四

宗郭功甫先生詩集序

元憶少時於宋人詩酷嗜坡仙及
放翁集後入詞垣見同輩有手鈔
郭功甫先生詩本僅百條篇耳
元備錄之為巾箱翫竊謂此詩
古體直與韓李並驅近體亦不讓
王孟諸大家何以操逸政者多不
之及抑少刻本行世耶不可解已

四

夫孝庵携功甫先

生刻本

元受而讀之得窺全

豹既又尚竹君朱世伯進呈列入
四庫坊間鋅刻紛紜於家置
一存文字之抑而弥伸信有是
耶後元攷宗典暨諸家叙跋並
恍然於此卷所以抑塞而就湮者
第与王安石倡和未能有先見

之剛如老泉耳夫介甫於神宗
未用新法未立之先固一代之人之
傑出者也今讀其文與詩不謂之
大手筆可乎竊謂以文會友而
不能以友輔仁介甫之開罪於功
甫多矣矣於功甫何病焉况介甫之
詩文久經傳世上第非其人未有非
其詩與文者乃於功甫獨覈之如
序

五

是巖耶丁巳秋朱石君老師郵
寄是卷屬元詳序語何叙哉
亦聊以風所怪其不傳與今所決
其必傳者筆之而已至是卷之班
駁陸離動中繩墨則自有善讀
者在元不多贅時

嘉慶四年十月二日芸窗阮元識

青山集目錄

卷一

楚詞體

卷二

誦行

卷三

五言古詩

卷四

五言古詩

卷五

五言古詩

卷六

五言古詩

卷七

五言古詩

卷八

長句古詩

卷九

長句古詩

青山集

卷十

長句古詩

卷十一

長句古詩

卷十二

長句古詩

卷十三

長句古詩

卷十四

長句古詩

卷十五

長句古詩

卷十六

雜題古詩

卷十七

五言律詩

卷十八

五言律詩

卷十九

五言律詩



卷二十

五言律詩

卷二十一

七言律詩

卷二十二

七言律詩

卷二十三

七言律詩

卷二十四

七言律詩

卷二十五

五言絕句上

卷二十六

五言絕句下

卷二十七

七言絕句

卷二十八

七言絕句

卷二十九

七言絕句

青山集

目錄

卷三十

古律哀挽

附錄

青山續集五卷

集附錄

吳立堅確山

當塗宋郭祥正功甫著

同里後學宋 鉞西衡校刊

葛 鏗以和

記二篇 賦一篇

蔡昌建御書閣記

聖宋御天下垂百有餘年滋煦生息內恬外安民不知兵可謂極治無爲之時矣皇帝乃留神翰墨龍蹤天畫充盈內府或賜近臣之家或頒名山洞府之寺觀太平州隱靜山普惠寺所藏百有二十軸歲久寺圯兼主者

青山集

附錄

一

非其人御書所藏幾不蔽風雨前太守集賢刁侯約縣令夏君希道觀瞻之餘咨嗟省懼遂下主者於獄命達觀禪師曇穎主之穎大葺舍宇工未旣以疾求去弟子懷賢者是爲員通大師代厥寺事益肆其力七八年間高覺巨棟罔不新者於是御書之閣尤甲於諸屋屬工課督實縣之大姓楊氏緒也造深原窮茂林擇材之美至于瓦甃漆雕之工無不求盡其妙閣成凡三十有六楹拱榭棖棟稱之總用錢一百三十萬積工二千五百八十役歷日一百四十八而竣實惟嘉祐三年八月旣望也後八年治平三年六月求文刻石以記之緒性個

儻喜赴人之急難客至無不滿其意而去是以來請予
文余因樂爲之記

青山記

當是青山
白雲院記

當塗有山曰青山又曰謝公山齊謝元暉守宣城時建
別宅于此山而每經游焉廢地遺址隱隱尚存左丹湖
右長江穹窿盤礴延數十里爲當塗諸山之表山之東
南修松夾徑而上幾二百丈依岸立屋曰巢雲亭亭之
陰甃甃爲磴道又十餘丈三門翼然臨于亭上曰白雲
之院院之中亭有石窟淳泉深三十尺色若粉乳而味
甘宜茶歲或大旱不竭因窟繫石爲方池跨池爲飛橋

青山集

附錄

二

以登于殿殿之北爲堂環以廊廡東爲齋羞之厨西爲
待賓之所堂之北爲檻面圃植金沙茶蘼延蔓而爲洞
佳花美竹交幹而成林當濤明花敷之時游人無日不
來雖太守亦有時而至也由巢雲而望則遠空晴明千
里一碧良田沃壤高下而相連長溪深清回旋而交映
行人往來飛鳥出沒蓋不可以目力窮也而或雲煙晦
冥雷雨震作窻戶之下咫尺莫辨居僧恬然見以爲常
則院據山之高處槩可知矣始謂之南峯院載于圖經
而無碑志可以考其建置之迹嘉祐中改賜今額我先
君金紫當祥符間爲進士結友習課于南峯者久之吾

母同安郡太夫人張氏又家于此山之下予晚仕于朝
或進或退數過是院登高望遠而思吾先君之遺風思
無可得者歎椽敗瓦不蔽風雨未嘗不感慨太息而去
至熙寧中有僧希仁始來住持未果興構遽卒弟子懷
式者繼之式有才畧不求于人而求于己一金而積積
至數千萬緡歷十有餘年而所謂殿堂廊廡三門池亭
之屋一切新之又召良匠塑佛菩薩侍衛凡九軀金碧
煥耀冠纓飛動爲一山之鎮焉嗚呼盛哉蓋院之廢興
繫乎主者之才否抑亦有其時耶宋受天命神聖繼位
皆以仁治天下好生而惡殺戢兵而惠民是以時和歲
豐民阜于財而浮屠氏求取于民者無厭然民亦喜爲
之飾也於是列剎相望爭以侈大爲勝事若式師則不
然因山爲屋因泉而爲池壯而不僭朴而不陋聚景
物之造趣資衣冠之盛游其興作之費一出于己而不
求于民也夫不謂之才乎浮屠氏聞式師之風者亦可
以懷矣予故爲之叙其事刻于碑使後之人可以考焉

石室賦

端城之北徑五六里有巖室兮洞開其上則七山建斗
司天喉舌其下則淵泉不流渟碧一杯寢之則肌髮冰
酌之則煩心灰四旁則石乳玲瓏中蔽圓蓋窅窅萬丈

無窮其崖孰納忠兮嗟肺腑之已露孰止戈兮來兵仗
而相挨儼衛士之行列肅廷臣之序排紛披披兮蒂萼
粲縱縱兮條枝安而不可動者爲梁爲棟奔而不可止
者爲虎爲豺龜闖首兮屏息虯奮鱗兮搏雷怪怪竒竒
兮千變萬態愈眎愈久兮恍惚驚猜何人境之附近而
仙宇之秘異如此者哉蘿捲風兮窈窕苔漬雨兮昭回
或命佳客或寓幽懷考二李之勁筆皆一時之遺才援
玉琴以寫詠歎夕陽之易頽方謝事以言反眷茲室以
徘徊雲悵容兮泱泱鳥送音兮悲哀况百年之將盡邈
萬里兮復來

青山集卷第一

當塗宋郭祥正功甫著

同里後學

吳立堅礪山

宋 鉞西衙校刊

葛 錚以和

楚辭體

補到難 并序

真陽有山削立出江上陰翳其外軒豁其內名爲碧
落洞天唐周夔羽皇題文命曰到難言其去中國之
遠而賢士大夫之所難到也詞則麗矣然未能盡碧
落之狀予取其言而補之曰補到難篇 題云

到乎難哉碧落之洞天上有嵐壁之瑤局下有澄溪之

青山集

卷一

一

碧瀾碧瀾之下寸寸秋色目窺之而可量手攀之而莫
得竇容光而練飛巖漬陰而乳滴如長人如巨虵如翔
龍如鑊錐如倒植之蓮如已剖之瓜如觸邪之獬豸如
蝕月之蝦蟆或斷而臥或起而立或欲鬪而搏或驚顧
而呀若斯石也可怪耶何詭絕之異觀嘗置之于幽
遐到乎難哉長蘿美秀瘦木竦直香櫻寒而自媚名槩
詢而鮮識烟霏霏而引素雲悠悠而奮翼亟摹似其變
態已滅然而無迹崩漸遠響聲落瑟續聆之愈深詠之
不足欲幽棲而忘返尚徘徊而眷祿彼寧待乎世人蓋
有要于仙躅到乎難哉信夫到之難也匪到之難知樂

此以爲難知樂此矣能久處之又爲難余故補到難以題篇些

巫山送吳延之出宰巫山

送子之邑兮山之峩峩繫物之可賦兮曰如之何虛徐
悅耀兮匪車匪馬匪足匪翼兮奮于巖阿薄萬象兮周
四海爛五采兮揚天波倏然悄然以自歛矣輕素兮縈
翠螺容與兮窈窕行止兮委蛇吐兮若英攢兮若葩聚
若白蟻散若楊花爰有靈依兮遂異于他對之自然又
不可求逐之無迹愴我離憂上下無窮變化周流亂曰
縣延天矯兮竟何補贊天工兮濡厚土舒則有時兮卷
青山集 卷一 二

則有所不爲神女兮而爲君子

山中

風蕭蕭兮雲藹藹泉淙淙兮石皚皚禽驚人兮遠飛去
以復還客醉其間兮殊不知爲誰帶髮被衣顏以自顧
兮誰爲吾仇山花爲我一笑兮山草爲我以忘憂嗟世
人之愚兮竟營營以何求求百年之寵榮兮取萬世之
奴囚怵讒舌之甚兮尙毀孔而謗周咄何得而何失兮
孰爲馬而爲牛歌數作兮飯未休石駭以走兮泉凝而
不流起挽石以道泉兮爾何我尤吾將去乎世兮結爾
以長年之游

招遯

遯兮樂歎吾能爲子言之山高水長兮遯歲月而忘歸
朝採朮兮遯而食暮葺蓑兮遯而衣雲徜徉兮出岫奮
吾心兮與期日躅躅兮行天弔吾影兮沉西委吾形兮
自信豈塗險之詰曲兮能屈伸而驚馳遯其樂兮吾能
爲子重言之林之深則鳥獸遯而樂水之深則魚龍遯
而樂帝者之道備則生民遯而樂遯將獨樂乎哉吾弗
與也于是作招遯之辭辭曰來句來音離馬肥馭良兮遲子
以歸虎豹齧人兮胡獨爲宜朝有好爵兮廩有好祿遯
勿遯兮于斯之時

青山集

卷一

言歸

三

休歟歸乎何爲而言哉予七齡而孤兮託慈育以苟生
捉手以筆兮口授以經緒先子之素訓兮夜未央而丁
寧旣束髮以就學兮入必問其與游聞道之進兮曰使
我以忘憂課蠶而織兮紉衣以先汝使弗墜業兮我勞
而汝處慨薄德之眇末兮今逾壯而不揚吾母耄兮戀
故鄉雖得邑而祿兮曾寤寐之弗遑與音問之吉兮孰
若朝夕而在傍誰繫予足兮眷白雲之徜徉還印綬于
有司兮賢守足以往訴將俟代而返兮念歲月之云暮
休歟歸乎春山施施春水瀾瀾春蒲濯濯春魚尾尾吾

親在前吾子在後飲甘滌潔以介眉壽

廣言歸

予將歸兮而有言德眇薄兮言弗見信

音伸

孝乎爲孝兮

友于弟昴奚爲爲政兮予之所存慨日月兮往而不返
吾親八十兮事之云晚朝廷清明兮予忠曷施道弗行
于家兮何以教吾民之爲哉嗚呼耕吾土兮足以食條
吾桑兮足以衣予奉親兮孰不可樂予治身兮尤以爲
宜蹇何憂兮何思恬無悶兮無知休歟歸乎以退爲進
兮予發諸誠乎言誰弗信乎

泛江

青山集

卷一

四

歲在庚子月惟孟冬蹇予職事鼓楫長江感慨其懷
而爲之辭云

士有以處兮無畝以耕眷餘緒之尙抽兮慨慈親以遲
榮徐虛縮瑟以內習兮予寔愧乎先民之心惚恍惻愴
其不得已兮被命于九江之溥戴皇天之休兮廩足以
飽度白日之難兮誰察予情汹汹兮北風怒浪兮滔天
撫慈膝兮出門淚漣漣兮就船事將有責兮死豈予之
所畏蓋忠未足以盡報兮孝未克以自信惟行止之坎
坎兮適簡罪以冀生度白日之難兮誰察予情蛟螭齒
分岸推蜃矯首兮波分妖鱗怪鬣曾莫識其名兮怒舒

牙以相矚數將傾而還復兮予委命乎上靈幸生全而
就泊兮夜風止而月吐曠上下之澄澈兮適縱觀乎琉
璃之府北斗揚光兮百怪潛伏岸芷露翠兮汀蘭放芬
起予思之無窮兮旣踟影以自慰又苦辭以招魂辭曰
始凶終吉魂兮歸來奚往而失

鴉愁

氣氛氛兮隘如魂颺颺兮寧居慧言在耳兮疇能捨諸
異質沉壤兮委夫頑虛鴻雁零飛兮若獨何趨蘭茝早
悴兮天孰與辜雄雉啼兮巢失佳雛天地黯黯兮風
雨呼呼旒翩翩兮導衢夜冥冥兮永殊樽有醕兮鼎有
魚享弗享兮日月徂

青山集

卷一

五

醉翁操

泠泠潺潺寒泉瀉雲間如彈醉翁洗心逃區寰自期猿
鶴俱閑情未闌日暮向深源異芳誰與攀志還迂聲瓊
樓玉闕歸去何年遺風餘思猶有猿吟鶴怨花落溪邊
蕭然鶯語林中清園空山春又殘客懷文章仙度曲響
涓涓泛商回徵星斗寒

古思歸引

石季倫有其序而亡其詞

昔人思歸兮宅林藪之遠深阻長隄而臨清渠兮芬翳
翳以交陰有觀閣池沼兮通泉溜而附窰窰蹇美羽之

翔集兮嘉魚樂而浮沉時則命宴于芳晨兮
蕙朝成集佳賓執樂而侍兮列秦趙之豔人
管絃奏兮歌悠揚而絕塵漿蘭桂兮羞肴珍
左琴右書兮助爲娛而養真又期于不朽兮
志傲然而凌雲孰與婆娑于九列兮顧牽
羈于繁文曲有絃而無辭兮遽予懷以自信
申歌曰日
駁馳兮老將至鏢外紛兮中繫累歸去來兮
予之思放吾形兮聊逍遙以卒歲

補易水歌

燕雲悲兮易水愁壯士行兮專報仇車
鑾麟兮馬蕭蕭客送發兮酌蘭椒擊筑兮
暗咽歌變徵兮思以絕易水青山集
卷一 六
愁兮燕雲悲四座傷兮皆素衣歌復羽兮
慷慨髮上指兮淚交揮又前爲歌曰風蕭蕭
兮易水寒壯士一去兮不復還

思嵩送劉推官赴幕府

我思嵩兮三十六峯之葱蒼雲霞卷舒兮
紛五色而爛朝陽渺羣仙之不可見兮時
有鸞鶴雙翱翔窮崖斷壑兮飛泉吼怒
春琳琅儼修松與美竹兮碧離離而低昂
考周室之卜世兮顧八表爲中央天乃寵
于吾宋兮六陵相差而永藏惟傳祚之億
萬兮豈八百以爲之長引伊洛之二水兮
聿通汴而注揚回黃流于故道兮滅濫

射而汪洋橫星橋于河漢兮紫闕峙而焯爚列槐樞之
行航秀兮歷五代而經唐承太平之雨露兮幸不遭乎
伐戕爲衆木之耆艾兮如羽蓋之遮張慨離徙而適此
兮亦出處之靡常旣寓情于物表兮獨思嵩之未忘忽
有客兮鼓楫言別我兮靈羊將度庾嶺浚濤江涉淮沂
汴入幕乎洛陽詞氣有吟頓挫鏗鏘誠南士之穎出然
未始離乎炎荒請陟嵩而遠覽循今古而徜徉矯垂天
之翼燦瓊瑤之章于是被詔音登玉堂返眎乎羅浮朱
明如棄魚目而懷夜光也

王逢原哀詞

青山集

卷一

七

道髣髴兮故國之高邱與子之相遇兮聽其言而若秋
雍雍而肆兮嚴嚴而收樂我之心兮以遊以將予將娶
兮于南州莫克從子兮翻自省以幽幽川陸兮沉浮日
月兮再周云子之長逝兮愴我之深憂子不可見兮道
將誰永彼蒼者天兮胡憐胡仇奪子之速兮使不位于
公侯雖窮德之特立兮弗與世賦縹緲嗟坎水之未盈
兮竟何澤以休休瘖予之聲兮龜龜之昨猶不足以此
兮靈何在而薦羞惟永絕兮何何懷昔兮悠悠

徐孺興哀詞

嗟乎孺興之不幸兮上有高堂白髮之慈親孝不克効

自信

平聲

兮魂將逝而復返目冥冥而莫勝兮顧天命之

予

上聲

短業脩脩兮志與道配寂不少振兮遠沉幽而終

蹇蘭未芳兮先凋月將昇兮俄隕孺人囂囂兮追話言

之弗足夢悠悠兮魂去來而數入聲感撫稚子兮秋夜長

暗明瑞兮雅腕玉魂何知兮興予之哀體與道化兮歲

月徂而屢周情纏綿兮若俱往詞不足以盡寄兮託餘

思于江流

留君儀哀詞

南漳留定君儀才行之士也嘗有德于予今其卒矣

故爲之詞以哀之

青山集

卷一

八

懷伊人兮漳水之湄爰結好之初兮予方出乎陷奔之

羈靡彼知予之橫罹兮眷煢煢而弗支氛侵侵而襲人

兮子獨贈我以蘭芝芳芬芳而爽吾衷兮雖厄窮而弗

疑言涓涓而洗吾耳兮寂塵聽而婁其炊嘉黍而納吾

腹兮使朝則忘饑采薜荔爲予之服兮慨前修之可追

脂吾車而秣吾駒兮造仙窟之幽奇煮甘溜而茗酌兮

珍盤進乎離支唱則和兮迭指摘其醇醑同底于道兮

遵聖渚爲之歸聊容與以卒歲兮曾弗察乎白駒之驚

馳泊中吉而啓行兮觴桂漿以違離惕南北之緬邈兮

蹇形影之頽衰歌激揚而再發兮淚浪浪以沾衣馬悲

鳴而仰顧僕弛負以增欷行雲住而黯慘去鳥返而低
迷歲聘介而一至今孰敢爲之後期幸再往而再復兮
釋予心之思也忽承訃以躑躅兮行不知其所之也嗟
若人之蘊美兮天其奪之速也蹇松栢之枯折兮惡植
則滋以榮也考大空之役物兮必善搏而化之也將爲
麟爲鳳兮對明世而出也將爲蘭爲蓀兮芬馨香而薦
上帝也將爲江爲河以濟舟也將爲雨爲露而澤物也
將復爲人兮英華于士林也將爲仙爲神兮自適于逍
遙之境也嗚呼以甚塞之懷兮測乎無涯之朕以有限
之情兮導乎無窮之悲嗚呼其有知乎其無知乎吾其
能久乎吾將從子于重泉之游乎吾又何詞之哀乎

青山集

卷一

九

山中樂 并序

歐陽公有山中樂三章送惠勤師歸杭後四十年勤
師之孫元棟上人頗好吟詠從予游且言思歸舊栖
因擬山中樂一章以勸其歸其詞有同有不同亦各
言其志也必有讀者能得之

歸乎樂哉山中之樂兮其樂無窮藹蒼蒼而杳嶺叢兮
脊青瑤之諸峯琉璃一碧兮湖波止而溶溶層樓相望
曲徑相通魚龍轉影于汀瀾之際鐘梵答響于烟雲之
中鳥嚶日暖兮花氣濛濛舉密葉而成幄兮風颯颯而

吹松巖谷玲瓏霜木落也玉宇浮空水漸凝也天高月
朗兮定省乎華嚴之境雷奔雨驟兮作新乎水墨之宮
達僧擬王孫之葬圓法師逸士林躡淵明之蹤方爾祖之
得名兮考其言于廬陵之醉翁曰嗟世之人兮曷不歸
來乎山中山中之樂不可見今予其往兮誰逢後四十
年爾復好吟遠遊不返求我之從勸爾之歸兮栖老乎
山中爾之材兮甚良當自適其無庸之庸違世絕俗黜
明塞聰山中之樂兮乃可以久非我與爾兮誰同

石室游

端城之北徑五六里有石室兮洞開其上則七山建斗

青山集

卷一

十

司夫之喉舌其下則淵泉不流滄碧一杯窺之則肌髮

水去酌之則煩心灰四傍則石乳玲瓏中敞圓蓋窈窕

萬丈莫窮其厓孰納忠兮嗟肺肝之已露孰止戈兮束

兵仗而相挨儼衛士之行列肅庭臣之序排紛披披兮

蒂萼粲樅樅兮條枚安而不可動者爲梁爲棟奔而不

可止者爲虎爲豹龜闖首兮屏息蚪奮鱗兮搏雷怪怪

奇奇兮千變萬態愈眎愈久兮惚恍而驚猜何人境之

俯近而仙字之秘異如此者哉蘿卷風兮窈窕春漬芳

兮不迴或命佳客或寓幽懷考二李之勁筆邕皆一時

之遺材援玉琴以寫詠悵夕陽之易頽方謝事以言返

眷茲室而徘徊雲愀容兮泱泱鳥送音兮悲哀况百代之將盡邈夫萬里奚復來

逍遙園 并序

筠州之城西有園名曰逍遙因山而得名今鄒君幾聖大夫之所有也予作逍遙園一首以贈幾聖云

逍遙有水一溪有竹三畝蘭芬菊芳松老石瘦堂居其中亭列左右萋萋兮春榮陰陰兮夏茂孤猿嘯兮秋夜長空桑暉兮冬雪畫山之名兮人莫知公爲主兮天所授其或要佳賓酌醇酎清吟得韻兮非人世之絲篁屬筆成篇兮發天機之錦繡方且登高臺挹遠岫俯仰羣

青山集

卷一

七

仙容詢遐壽脫輪蹄之縈服煙霞之秀于斯時也一舉九萬兮吾不知其爲用塔焉自喪兮吾不知其爲偶傷兮窅兮非無之無寂兮息兮非有之有無何亦何得而各有竅則竅邊能久至若聽出于垣觀入于牖此鄙士之常習又安得與夫逍遙主人而爲之友也哉

孤雲寄潘延之先生

望孤雲兮山之巔漭弗雨兮何油然送孤鴻兮海之涘高舉翼兮游無邊彼君子之如似兮脫世俗以不返奚無悶而止兮又放意以窮年川有航兮陸有馬園有佳木兮池有芳蓮坐臥兮白日笑歌兮朱絃客至止兮樂

我之樂豈公侯之下兮曾弗擇乎愚賢僕夫以耕兮
女以織恬弗愧兮我衣我食神仙之逍遙兮固不得以
見之君子之宴息兮舉斯世以誰敵嗟世人之自徇兮
莫知其求勢得而傲兮勢失而囚靡後先之思兮孰進
退之由苟歲月之徙兮託冠帶以包羞惟勇子之從兮
貧未足以自周匪妻子之累兮寔吾親之憂慨負重兮
執熱慕袒跣兮臨流

采薇山之巔贈張無夢先生

先生曰采薇山之巔兮吾非求爲之仙吾無一畝之宅
一邱之田飢食山之薇渴飲山之泉巖爲吾居兮鹿爲

青山集

卷一

三

吾馬吾豈不足兮翱翔乎山之間被世俗之混混兮嗟
苦短之白日此一身之悠悠兮聊自樂以窮年彼塵埃
之荏苒兮比雲煙之綿聯誰謂才之大兮慨匠氏之弗
取吾獨幸其弗取兮森慈蒼而自全粵吾君之爲治兮
三王之聖而吾相之爲輔兮伊周之賢吾父吾母兮皆
喜終以天算進何憂而退何憾兮養吾氣之浩然弟子
進而贊曰采薇山之巔兮其樂也如此衣曳曳而情飄
飄兮願執轡而往焉

雜言寄耿天騫

耿夫子聞懸車齒清髮紺珠未老粲粲滿腹懷明珠恥

隨黃雀啄官粟矯翼直與冥鴻俱東城之下言還舊廬
田有秋稻池有嘉魚林有美木圃有青蔬笑傲樽俎俯
仰琴書與其折腰以羣辱孰若潔身而自娛予將蹴滔
天之高浪跨橫海之長鯨攬午夜之明月邀逸駕于赤
城酌玉母之瓊液獻商皓之玉觥于是揮手景駐長嘯
風生投冠纓于下土化鱗鬣于北溟也



馬山集卷第二

當塗宋郭祥正功甫著

同里後學宋

鉞西衡校刊

吳立堅權山

葛 鏞以和

言行

廬山三峽石橋行

銀河源源天上流，新秋織女望牽牛。洪波欲渡渡不得，
叱鵲爲橋誠拙謀。胡不見廬山三峽水，此源直接明河
底。摩崖裂嶂何其雄，崩雷泄雲勢披靡。飛鳥難過虎豹
愁，四時白雲吹不收。燭龍此地無行迹，六月遊子披貂
裘。誰將巨斧鑿大石，突兀長橋跨蒼壁。行車走馬安如
山下視，龍門任淙激。寄言牛女勿相疑，地下神工尤更
奇。喚取河邊作橋棟，一年何必一佳期。

谷簾水行

嶄嶄青壑仙人居，水精簾掛光浮浮。音中有天樂振天
響，真珠琤淙碎珊瑚。常娥擁月夜相照，天光地瑩倒玉
壺。又云玉皇繫玉液瓊簾千尺從空鋪，臥來北斗諫以
起。驚風吹落青山隅，溶溶萬古萬古竟誰能辨爲真。
虛我來吟哦，不知晚山雲四暗。山麴呼安得長鯨，駕天
險下眎靈源，知有無。

鸚鵡洲行

猛虎磨牙嚙九州，禰生何事來掀厥。黃雲屯屯宴賓客，故衣脫去更岑牟。漁陽摻搥曲聲苦，壯士銜悲寂無語。漢朝社稷四百年，海瀉濤淙一坏土。嗟哉鼓史狂而癡，天運往矣安能追。四方血戰殊未已，三尺稅杖真何爲。君不見武昌之國鸚鵡洲，至今芳草含春愁。可行則行，止則止，死無所益，令人羞死無所益，令人羞黃祖曹公均一邱。

金山行

金山杳在滄溟中，雪崖冰柱浮仙宮。乾坤扶持自今古，

青山集

卷二

二

日月髣髴躔西東。我泛靈槎出塵世，搜索異境窺神功。一朝登臨重歎息，四時想像何其雄。捲簾夜閣挂北斗，大鯨駕浪吹長空。舟摧岸斷足數往，往來霹靂撻蛟龍。寒蟾八月蕩瑤海，秋光上下磨青銅。鳥飛不盡暮天碧，漁歌忽斷蘆花風。蓬萊久聞未成往，壯觀絕致遙應同。潮生潮落夜還曉，物與數會誰能窮。百年形影浪自苦，便欲此地安微躬。白雲南來入我望，又起歸興隨征鴻。

潛山行

笑別姑孰州來作，潛山游潛山。聞名三十載，寫望可以銷吾憂。晴雲如綿掛寒木，廣溪鏡靜涵明秋。山頭石齒

夜璨璨疑是太古之雪吹不收信哉帝祖駐鑾蹕異
怪變誰能求若非青崖見白鹿安得此地掛珠樓羣仙
長哦空洞絕綠章封事乘虛輒靈鳥盤旋老鶴舞華燈
散采祥飈浮噫吁噫漢武登壇求不得明皇夜夢推五
百寧知司命抱真符爲宋真人開社稷詔書數下修琳
宮殿閣縹緲平諸峯六朝德澤施愈遠九天福祐來無
窮君不見潛山之下潛水之涯菖蒲有九節白朮多紫
花採之百拜獻君壽陛下盛德如重華

山中吟

山中吟白日長碧霄泉暖菖蒲香仙翁勸我採爲食登
青山集

卷二

三

高遂覺足力强登高望遠遠思發春風浩浩天茫茫美
人一別隔滄海青鳥寄與雙明璫青鳥東飛亦不返草
色綠縹雲徜徉草色幾回綠雲飛無故鄉魂迷夢斷竟
何在山中吟白日長

山中樂

尋山佳興發一夜渡江月首到廬江元放家水洞清光
數毫髮愛之便欲久棲息又聞靈仙之境敞金闕清風
吹我衣不覺過曉溪危梁千步玉虹卧松行十里青龍
歸煙霞繞脚變明晦忽見殿閣鋪琉璃重簷却在迴漢
上倚欄俯眎白日低虛庭自作蕭蕭響屋角更無飛鳥

飛霓幡重重蔽真御髣髴遙見星文垂長廊紗籠絕筆
畫老龜穩載青瑤碑更逢逍遙不死客齒清髮翠桃花
肌蕭臺可到亦非遠雲間況有白鹿騎細窺絕景輒大
笑吾曹何事塵中爲安得良田三百畝可以飽我妻與
兒長年只在名山裏萬事紛紛都不知

將歸行

男兒四十無所成可憐鬢髮霜華生長書朝奏夕命相
此事故非言不行低徊却入邵陵幕梅嶺招降建城郭
論功第一遭衆讒斷木浮沉委溝壑噫吁噓數奇不獨
李將軍林坐桐鄉三見春桐鄉雖好大兒死風物滿眼

青山集

卷二

四

唯悲辛邇來又赴肥上辟碌碌隨人亦何益法網深懸
無縱鱗歛翼飢禽憂彈射噫吁噓一寸丹心不堪折扁
舟却憶姑溪月溪如凝冰月如雪天地清光迥交澈釣
絲千丈入琉璃六鼇一舉三山隨人生快意莫如此腰
束黃金多橫死君不見日暮途窮逆行客一餉榮華速
誅殛又不見都市朝衣就劍人誰道忠言能殺身休休
休歸去來芝田石室雲長在瑤草琪花春不回收帆銀
濤卽平陸跨青牛兮驅白鹿莫向人間岐路行豈有悲
歡與榮辱休休歸去來計已決肯學腐儒空有言辜
負春鶻口流血

東林行

龍蟠大地藏山腹瑞氣蒙籠紫金屋香爐萬丈擎碧霄
二澗斜飛落寒玉晉朝遺事唐人辭敝斲龜螭尙堪讀
樓煩真人應夢來夜斧丁丁神伐木安帝親畱步輦迎
靈運開池素華馥會隨流轉不成塵燈焰明明自相續
游人未達此理元安得清涼滅貪欲我今棄官脫塵網
僧寶瞻依無不足跨黃牛騎白鹿時時自唱無生曲無
生曲君試聽五音六律和不得爲君寫作東林行

圓通行簡慎禪師

廬山之西形勝聚無位真人依位住地祇掣鑊金城開

青山集

卷二

五

石龍噴水銀潢注峯巒約勒萬馬回杉松自作千兵護
寶殿崢嶸跨碧霄圓容麗服微西顧江南妃子親施田
香飯供僧無億數法焰相傳十二人師泛鐵船楊子渡
楊子渡秋風高霹靂駕雪翻驚濤中有漁家妙絕手一
釣三山連六鼇縱時大地悉震恐收來塵刹無纖毫當
年曾許心莫逆今朝又作圓通客挂冠已脫塵垢緣一
心願住清涼國清涼之國誰能知日長馬倦人多迷從
來聞說曹溪路只今蹋斷廬山石

韶石行

扁舟未下連虞灘韶石羅列誰雕刻化工有意露怪變

待彼虞舜來翫觀泊舟登岸始遠覽兩峰直裂諸峯巒
青鸞低徊欲下飲翠鳳却舞搏修翰蜚龍攫雷怒奮角
帝子出震初峩冠日光撲撲散金藥蓮花透澈琉璃盤
行衣十里仙霧濕暝色一抹輕綃寒我將登崖想韶樂
北風忽變陰漫漫松搖長空吼萬壑溪走石脚淙驚湍
遺音自與天地響聽不以耳精神完重瞳一去不復還
隨風波兮陟雲間瀟湘洞庭亦何有竹上血淚千年斑
九戩不作至道息紛紛後世疇能攀登韶石兮情飄飄
而未盡飭彼柴車兮且將造乎蒼梧九疑之深山

姑孰堂歌贈朱太守

青山集

卷二

六

姑孰太守真賢豪洗滌弊垢明官曹民閑吏疎却無事
華堂新構臨江臯朱簷斜飛傍星漢碧瓦不動蟠鯨黿
釀成玉液宴賓從手提大筆降風騷四時景物換耳目
萬古治亂評秋毫嗟予末坐重感激胷中茅塞時耘耨
山雞卑栖竟何取豈合鸞鳳返翔翱紫萼茸蕨味正美
鮮鱸玉縷鳴霜刀爲公一飲直醉倒坐看萬室皆陶陶
誰云江南地偏小姑孰之堂天下少丹湖千里浸城東
蒲葦藏煙春渺渺牛渚對峙凌敵臺長江倒掛天門開
風吹玉馬億萬疋漢兵卷甲沙塲迴有時浪止皓月滿
琉璃宇宙無纖埃帆檣隱隱鳥飛沒漁歌細下天邊來

謝元暉李太白一生好作江南客至今遺恨人不知
雲尚鎖青山宅請公漚酒一弔之聽我長吟壯靈魄人
世百年能幾何高會難逢離別多一朝公去調鼎鼐斯
堂永作甘棠歌

宣詔廳歌贈朱太守

使君心畫天下無構廳宣詔西南隅曉光初散射簷桷
夜氣欲合吞江湖巖巖摩挲滑瑤玉重窻窈窕明青朱
胡生畫手出前輩素壁爲寫巫山圖一條江練潏碧落
十二峯色峩珊瑚元猿老虎嘯鬚鬚長松瘦石寒扶疎
中間皓鶴最恬漠九霄獨立形神孤君去班春勸耕稼

青山集

卷二

七

君歸命客同歡娛三冬垂簾醉春瓮六月靜坐臨冰壺
巴牋血色酒醉筆五字七字排璣珠和風匝地怨氣滅
險吏縮手窮氓蕪地隨人盛古今好姑孰自此爲名區
君不見滕王閣庾公樓樽罍千載誇風流又不見宴寢
一詩尙不滅至今人道韋蕪州噫吁噫四座勿歌聽我
歌宣詔之名君謂何守臣不壅帝王澤六合長靜無干
戈

濟源草堂歌贈傅欽之學士

秀氣鴻濛濟州曲十畝清池萬竿竹竹裏修椽架草堂
不羨長安買華屋春生廣野碧玉柔月擁翠嵐銀粉糝

低飛白鷺揀晴沙聞曉黃鸝嘯喬木明明長劍倚太行
拂拂愁煙被盤谷重岡漸遠勢愈高雲開青出分秋毫
龍蛇鱗甲雪霜洗壯士四顧空提刀陰晴萬變恣吟寫
三疊琴聲猿夜嘯君不見古來功名輸隱叟種桃採芝
皆皓首不將機械攬靈源能使形骸頗長久明公何年
歸草堂扁舟我卽浮滄浪江魚有味四時美一蓑醉卧
蘆花旁男兒彼此送終身自筭此身無得失江東片月
過河陽爲照兩處無何鄉

寄題贛州涵輝閣呈太守章子平集賢

讀君涵輝記恍若登蓬萊天垂星斗數尋近地卷雲山

青山集

卷二

八

千里來冰壺倒景露華洗玉竇浴雪蟾光頹塵寰何處
路岐絕三十六洞森然開武夷真孫佩符印選勝得此
將金疊文章欲會造化手藩屏暫屈巖廊材謝公寄意
東山效巖生把釣桐廬臺功名談笑出千古長與泰華
青崔嵬其餘齷齪何足數百年易得成寒灰爲君高吟
豈知倦十分美酒誰相陪我欲乘風一飛往病翅零落
秋霜摧涵輝閣寧久游重瞳法堯垂冕旒側聞下詔十
六相真孫第一還瀛洲

宣州雙溪閣夜宴呈太守余光祿

陵陽三峰壓千里百尺危樓勢相倚海波不動蛟龍盤

疊玉無塵雪霜洗溪光冷浥山光潤地接金陵古名都
青猿嘯斷四五聲白鳥歸飛兩三陣四時之景皆可觀
六月來游膚髮寒有時下瞰北山雨只道森森銀竹竿
賢哉光祿余太守昨引佳賓列樽酒朝飲三百杯暮吟
三百首不爲陰慘嚴刑誅長吐陽春活殘朽御史曾書
治績碑州人盡祝靈椿壽沉沉羅幕更漏稀燈如撒星
公醉歸絲簧前引後鼓輦珠履交錯行遲遲丈夫得意
不爲樂借問百年能幾時

寄題洪州潘延之家園清逸樓

南昌城中潘令宅清逸樓高二千尺斜飛四角河漢纏

青山集

卷二

九

密排萬瓦鴛鴦碧樓中至樂無人知掃盡寰區利名迹
霜華吹月雁橫空湖水浸天秋一色櫂聲斷漁歌起西
山却在蘆花裏行客紛紛嗟白頭縷塵不解滄浪洗愛
君年少先拂衣古人歸去無今時上有明明垂衣之堯
舜下有落落戴主之皐夔渟中不用一箭取綺繡繹道
通健爲更看牧馬天山草凜心雪恥燕山兒朝廷大業
昔未有志士獨往吾何譏陶彭澤阮步兵回首晉道方
濕零絲桐欲彈悲思盈豈如潘令逢昇平倚欄一醉絃
索鳴紅綃燃蜜爛華星玉人舞徹東方明

寄題德興余氏聚遠亭

暗空風卷浮雲落萬里秋毫瑩寥廓姮娥泛月中夜來
撲撲山川銀粉薄天垂斗柄掛簾鉤地接明河浸欄角
誰傾世界入冰壺泯泯仙春迷海嶽嗟予南望未能往
小宰塵勞真齷齪感君寄我羣公篇覽記方驚子先作
詞源奔激吼波濤筆畫縱橫挫矛槊構名措意豈徒然
景物化爲仁智學丈人教子悖義方宴息時來命樽酌
何當勇起拏扁舟夢寐思陪衆賓樂

留題潛山山谷寺

山如連環不可解玉溜穿崖鯨尾擺中天化出清涼宮
汗漫琉璃翠光洒回頭無路通人間毛髮森森神魄駭

青山集

卷二

十

長碑突兀壓巨鼇字刻雄文入模楷乃知梁僧挈刀尺
來此幽棲如脫械地祇掣鑿巖戶開縱有堆金豈能買
粲祖傳衣當第三至今異骨藏斯巖我朝重賜七寶塔
舍利感應符至誠誰曾磨崖記名姓習之健筆深鐫鑿
盤鼉皴鱗想風槩雲霧慘淡遮松杉至寶不獨世所惜
定有山鬼長扁監願借雷公霹靂斧堅珉斫斷載以函
高僧邀我愁忘返虎豹堪驚日將晚歸來拂榻坐虛堂
軟煑黃精荐香飯千年遺迹安足誇幻妄非真生有涯
奈何吾勢未能已夢想長在金仙家

留題九江劉秀才西亭

西臨大江南略
廬阜北見四略

南出九江城西下五老岡倏然一徑二三里流水散漫
桃花香桃花迴環蔽深屋犬吠遊人人扣竹青衣借問
來何爲正是劉郎春酒熟劉郎不厭客撫掌邀我曹西
亭有榻醉可臥下臨大江萬頃之洪濤長帆出沒送孤
鳥鳥飛不過哀猿嗥更愛雙劍峯正落南窓外天公好
仁不用武太古光芒未磨淬誰懷邪佞心見之瞻應碎
淮山在天末寒青亦相對微風時一來松柏搖蒼珮頃
刻神官驅黑龍涵涵興雲變明晦地勢雖高直可驚酒
行且止鬪休嘍劉郎顧我笑爲言何苦悲陰晴非汝職
不醉將疇歸歸來乎頻相過西亭把酒共君歌

青山集

卷二

十一

留題西林寺攬秀亭

李公擇學士命名云李
白有九江秀色可攬結

吾將此地巢
雲松之句

行瞻香爐峯未出上林口一區廣地如席平誰作新亭
名攬秀秀色可攬結正對香爐峯李白愛之不忍去便
欲此地巢雲松寂寥往事三百載澗泉谷草依舊揚清
風泉可掬草可擷清風洒面如冰雪閑來攜手四五人
倒盡金壺頰不熱寸心何獨忘寵榮形骸遺盡神超越
寄語世上士勸君早歸來霹靂轟車膽欲落忠憤雖死
何爲哉此特竟不悞此心徒自知嵐光向晚紫翠滴杜
鵑更深在深林啼試拂橫琴奏流水指下忽作商聲悲悲

來乎可奈何推琴罷酒爲君歌

武溪深呈廣帥蔣修撰

滔滔武溪一何深源源不斷來從郴流到龍頭聾百變
誰將玉笛傳餘音潺潺泠泠兮可以冰人心胡爲其氣
兮能毒淫漢兵卷甲未得渡飛鳶跼跼且沉天乎此
水力可任蠻血安足腥吾鐔功名難成壯士恥馬革裹
尸亦徒爾伏波一去已千年古像蕭蕭篁竹裏風來尙
作笛韻悲宛轉悠揚逐船尾如今天子治文明柔遠懷
來不用兵武溪無淫亦無毒清與滄浪堪濯纓臨龍更
憶昌黎氏始末緣何不相類能言佛骨本無靈可惜咨
青山集 卷一

卷一

三

嗟問瀧吏湘妃之碑尤近怪頗學女巫專自媚固當褒
馬聊黜韓補葺須令賢者備元戎喜遇蓬瀛仙武溪探
石傳新篇東君吁嚕龍蜃走北斗挹酌河漢懸勸君莫
倚隴笛之悲音些勸君清歌兮援玉琴些琴聲爲出堯
舜心堯舜愛民無遠邇君不見薰風來自南些

松門阻風望廬山有懷李白

北風阻船泊湖濬北望廬山青無痕晴雲自舒仍自卷
白龍欲眠猶宛轉秋空漠漠秋氣淺碧天蘸水如刀剪
篙師畏浪不敢行却憶李白騎長鯨倒回玉鞭擊鯨尾
錦袍濺雪洪濤裏霓光溢日精神閑終日高歌去復還

飛流直下三千尺風吹銀漢落人間天送醇醪傾北斗
羣仙吹簫龍鳳吼李白一飲還一醉醉來豈知生死累
倏然却返玉皇家不騎鯨魚駕鸞車畱連自摘蟠桃花
嚼花吐津染朝霞不信如今三百載頑鯨駭浪空相榜

苦寒行二首

江南饒暖衣絺綌今歲春寒人未識溪流冰合地成撈
一月三旬雪三尺去年大潦民無食子母生離空歎息
只今道路多橫屍安忍催科更誅殛

下溪捕魚一丈冰上山採樵三尺雪人人飢餓衣裳單
骨月相看眼流血乾坤失色雲未收鵬鶚無聲翅將折

青山集

卷二

三

官倉斗米餘百金願見春回二三月

武夷行寄劉侍郎

平生愛山水最聞武夷好千峯巒峴月倒掛萬木陰森
春不老羣仙浮舟出寥廓未濟明河半空泊世人可見
不可攀靜夜天風吹寶樂須信仙家日月長塵埃下土
空茫茫賢愚得失竟何益坐令綠髮催秋霜人間感悟
有誰早丈人尋真歸故鄉故鄉宅在武夷址山勢廻環
碧城起仙碁一局一番春幾見桃花滿流水他年功成
趨帝闕醉喚常娥擁明月照開三十六洞天玉樹瑤花
恣攀折丈人之樂其無央我今欲往親在堂側身南望

未能到耿耿寸心思夢長

前雲居寄元禪師

憶雲居乃在滙澤西南脩川之隅山盤盤兮石門屹立
磴道絕飛瀑萬丈淙水壺雲沉沉兮方晝而忽暝古木
交錯兮藏鼉鼉攀崖欲上復自止投險卻憶騎鯨魚崖
迴時復造平野絕頂乃有百頃之膏腴羣山下瞰若聚
米殿閣枕藉非人區露華洗出太古月桂子搖落陰扶
疎清風欲借羽儀展穢念頓覺秋毫無老禪底事不度
我紅日東上還驅車如今正似武陵客放舟已遠嗟迷
途青春一往二十二白雪漸變千莖鬚西來忽遇歸飛
青山集

卷二

十四

烏青紙遠寄黃金書靈茶香味勝粉乳滿篋所贈逾瓊
瑤玉川七椀喫不得灌頂未識真醍醐南暹北訥惜已
死唯師秀出孤峯孤潛深隱密自得所豈不憫我棲榛
蕪倒影射巖猶入石異日三椽容野夫

後雲居行寄和禪師

我所思兮歐山之巔白石蒼木蔽窺而隔世兮路通乎
兜率之天層樓複閣觸峙絢爛往卽造兮雲勃興而瀟
漫徙倚恍惚若奪吾魄兮聊放曉以盤桓徐風生而霧
散卷綃縠于林端泊天清而日上兮瀑峻飛而潺湲蓄
而爲潭泄而爲澗運之以車兮盈乎大田然後度石橋

登重門睹篆玉之榜謁金仙之尊徒眾五百龐眉皓首
形儀靜而不雜兮語言要而不煩齊興止以鐘鼓兮善
後先而靡難舉正眼而諦瞬兮了無一法之可觀寂兮
樂兮妙復妙兮其惟真如之禪我請棄冠釋帶以投依
兮師則指乎未契之緣于是曳屣却步循磴道而復返
兮歲渺渺而屢殘彌網羅以系累兮方傷羽而戢翰悵
昨游而欲再兮庶已剗而復完亂曰疇將歸兮卧龍之
室依人道師成佛而出

姑蘓行送胡唐臣奉議入幕又送朱伯原秘

校

青口集

卷二

五

登姑蘓望五湖范蠡扁舟竟何在吳王宮殿惟荒墟民
貪吏狡郡多事者盪爲盜無完廬使君誰何好平恕寬
則脂韋猛則虎只今臥治聞黃公更得高才歸幕府願
令里巷譌召南風化流行成樂土昔年引對大明殿國
論軒軒動人主往持使節臨朔方威靈秋霜卷蒼雨玉
上青蠅誰強指鼻端白堊寧傷斧升沉偶爾非吾嗟不
用東方且爲鼠豈聞絕代無佳人何必西施妙歌舞盛
傾綠酒贈肥鱸承詔還從大梁去

送姚太傅謫行

彥聖

春風動地吹春去行人不肯江邊佳片帆朝掛暮千里

烟霧蒼茫宿何處聞君少年日射策明光宮同時得
二百輩上林曾醉桃花紅十餘年間事起忽幾在青雲
幾白骨君雖未甚榮亦足有餘樂存心不負聖與賢何
須盡影凌烟閣潯陽城頭古樓壯邂逅相逢觀溟漲魚
龍奔走勢莫分却憶當時兵火愁殺人至今戰場無綠
草冤魂夜哭寒蟾老臨風瀝酒一弔之而我浮生何足
道聊爲君行謔數聲青山截斷江流平晴雲相對似能
舞野鳥好語如吹笙却把閑愁付滄海身雖離異心無
改若訪蓬萊王母家爲攀琪樹遙相待

桃源行寄張兵部

青山集

卷二

六

武陵溪上青雲暮昔人傳有桃源路時見落花隨水流
咫尺神仙杳難遇神仙有無何可量但愛武陵山水強
松烟竹霧水村暗鳥啼猿嘯花雨香車輪不來塵壘絕
日月自與乾坤長聞君取身欲長往禾熟良田給春饌
陶然一醉萬事休還我天真了無象生胡爲榮死奚感
爲笑紛紛避秦客一身千歲何足論更向漁家寄消息

九華山行

羣山秀色堆寒空九華一簇青芙蓉誰云九子化爲石
聚頭論道扶天公深巖自積太古雪燭龍縮爪羞無功
湍流萬丈射碧落此源直與銀河通塵埃一點八不得

烟霧五色朝陽烘有時昏昏雷電怒崩崖裂壁揮長松
龍作雨虎嘯風白日變明晦九子亦慘容褐冠釋氏胡
爲笑傲于其中我將學彼術卷舌竊愧求童蒙天公信
玉女號令不爾從嗟爾九子竟何補非秦非華非衡嵩

